



Madagasikara Tsimilefitra

Taratasy laharana faha-1 Febroary 2010

Tsy manan-kery hanakana ny « tsunami », na ny horohoron-tany na ny loza voajanahary hamely ny olombelona isika.

Ny hany azontsika hatao dia ny manamafy ny firaitsinkina hamonjena ireo trà-boina.

Mijoro araka izany ireo firenena matanjaka, ary mendri-pideràna izany.

Saingy misy koa ny “tsunami misovoka” mandràva ny firenena afrikàana ary mamono ambongadiny, **mahafaty olona aman’alina nandrity ny folo taona maro nifanesy!.**

Tsy misy mpamony ireo trà-boina ireo, satria io karazan-doza io dia hafenina. Hafenina satria tsy voajanahary, fa nataon’olombelona. Ireo **mpanao didy jadona màka fahefàna amin’ny herisetra no tompon’antoka amin’ireny “tsunami misovoka”** ireny. Nefa tsy mahavita izany samy irery izy raha tsy misy **firenena matanjaka mpiray tsikombakomba**. Dia mamono olona antsovoka eo izy amin’ny alàlan’ny basy, ny fampahanoànanana, ny fampihenàna ny fitsaboana, ny fanagejàna ny zon’olombelona.

Mamono ontsovoka ry zareo satria efa voafehin’ny firenena matanjaka ny gazety, ny radio, ny televiziona: dradradràiny ampahibemaso ny zo ahafahana mandray vaovao ary ny adidy mizàra vaovao, saingy raha vao mikasika firenena afrikàna izany, dia manao tsindry bokotra amin’ny mpilaza vaovao ny mpitondra avy amin’ny firenena matanjaka mibaiko azy ny zavatra azo lazaina na tsia.

Rotiky ny loza tsy mbola nisy toy izany tgao amin’ny tantarany ankehitriny i Madagasikara **noho ny fandrobàna fanjakana efa herein-taona izao:**

- . potika ny toe-karena;
- . tao anatin’ny herein-taona dia aman-arivony ny asa very isam-bolana, ka ia aman’hetsiny ny Malagasy tsy manan-katao;
- . aman’alina ny mpamboly kenda satria potika na mikantona ireo indostria misahana ny vokatra ka tsy misy mpividy intsony ny vokatr’hasasarany;
- . tsy afa-mitsabo tena intsony koa ireo vahoaka aman’alina tsy manan-koraisina ireo;
- . aman’alina koa ny ankizy tsy afaka mankany an-tsekoly intsony ;
- . mitatao ambony lohan’ny vahoaka ny hetraketraka sy famanoana ateraky ny fahantràna mihoampàmpvana.

Ary ny tena zava-doza, dia tafapetraka ny horohoro, misakana ny fanomanana ny ho avy mamiratra; voageja ny fahafahana miteny noho ny herisetra sy fampidirana am-ponja tsy ara-drariny.

Fa tsy hilàvo lefona izahay!

Hampiasainay ny fitaovana eo ampelatananay ho enti-manohitra ny herisetra sy fandisoana ny vaovao marina, dia :

- . ny finiàvanay tsy hanary ny fahafahana sy ny demokrasia izay idealinay,
- . ny finiàvanay hampita vaovao amin’ny daholoben’ny firenena matanjaka momba ny fiatsarà-belantsihir’ireo mpitarika politika sasany avy ao aminy, izay misora-tena ho mpiaro ny sata repoblikàna ao amin’ny fireneny, nefà mpiketrika sy mpiray petsapetsa amin’ny fanaperana ny ain’ny Firenentsika.

Tsia, hanohitra izahay!



Fomba fiasan-jiolahy: “filoham-panjakana” mandà ny Sonia nataony.

Ankitsi-po tanteraka no naneken’l **Marc Ravalomanana**, - na dia lany ara-dalàna tamin’ny fomba demokratika aza izy tamin’ny taona 2006-, tsy handray anjara mivantana amin’ny tetezamita, na ny Rafitry ny Tetezamita izay noraiketina tany Maputo I tamin’ny volana Aogôsitra 2009, mba **hitsimbinana ny fandriampahalemana ary hametrahana an-tampon’ny loha**
Ny famahàna ny krizy, hitsinjovana ny tombotsoam-pirenena sy mpiray rà aminy.

Ny tarika politika 4 tonta nanatrika tao no niàra-namolavola io Fifanekena Tetezamita io.

I **Marc Ravalomanana, Zafy Albert, Didier Ratsiraka ary Andry Rajoelina no nanasonia io Fifanekena izay mamàritra ny fandaminana ny rafitra tetezamita sy ny fandaharana tokony hizorany io.** Ny fampihàrana ny Fifanekena sy **ny fifanekena hafa manamafy izany** dia hiantohan’ny Fikambanana Afrikàna, ny SADC, ny OIF, ary ny Solotenany avy dia nanasonia izany antontan-taraatasy.

Noheverina fa niravina teo Maputo ny raharaha!

Hadino fa hay mbola tao ny toetra kivalavàlan-dRajoelina!

Vao tafaverina avy tany Maputo I izy, dia avy ireo mpampiely vaovao voavidiny – ny hafa moa tsy afa-miteny-nanaparitaka vaovao diso, ary **tsy nohajaina ny Sata sy ny fifanarahana niaraka taminy.**

Havoaka amin’ny taratasy manaraka ny ventin’ny Sata sy ny fifanarahana tany Maputo.

Dia ahoana ny momba ireo Fikambanana iraisam-pirenena nanohana?

Nitarika fihaonana indray ry zareo: tany Maputo II tamin’ny volana Septambra 2009, Addis Ababa tamin’ny volana Désambra 2009 toerana nanaovana Sonia ny Sata Fanampiny; fa toy ny teo aloha, dia mbola tsy nanàja ny soniany indray I Andry Rajoelina.

Fa mbola mihoatra izany, rehefa avy nandà ny fihaonana farany tany Maputo III izy, dia nolazainy fa foana sy tsy misy lanjany ny Sata sy ny fifanarahana ! Dia narahany fanakatonana ny seaman-piaramanidina tao Madagasikara, hisakànana ireo iraky ny tarika telo tany Maputo III tsy hody aty an-tanindrazana!

Voatery nanindry mafy ny sehatra iraisam-pirenena, vao afaka nody tao Madagasikara ireo “natao sesy-tany an-keriny”. Nanomboka teo dia nasesisesin’ny sehatra iraisam-pirenena ny fanamelohana ara-mpomba.

Dia vinanio ary **iza no firenena** – izay mpikambana ao amin’ny Fikambanana Europeana izay manameloka mafy iny fandrodànam-panjakana an-kerisetra iny, sady nanohintohana ny demokrasia- **miezaka mafy mitaona ny olona mangingina mba hampihemotra, na hisàkana aza,**

ny fampihàrana ny fanasaziana izay naniratsira ny fandaminana miantoka ny fifanarahana?

Efa nisy ihany ohatra nahitàna olona nitsipaka ny Sonia nataony, satria hoe mpiasam-panjakana ambony eo anivon’izao tontolo izao.

Nisy an’l Adolf Hitler izay nanao izany matetika, ary narahiny teny an’avona hoe:-“ izay mino ihany no voafatotry fampanantenàna nataony”.

Ary ankehitriny, dia io I Andry Rajoelina izay loza mitatao amin’i Madagasikara.

Ireo Tsiazoakifika amin’i Madagasikara
eto La Réunion